



柳田文庫
文庫11
D 191
3

雨奇軒三



文庫 11
D 191
3

兩當軒集卷第九

武進黃景仁著

古近體詩七十二首

袁陶軒約早起看瓶荷盛開

倦夢如塵掃不開披衣欲起更徘徊平生不負看花約拋
得冰紋簞子來

淨几疏簾供若仙膽瓶猶說太和年盛來盡化楊枝水那

得開花不可憐數年前陶軒之鄉人鋤地得古塚多藏瓦器滿貯水作綠色上有刻太和四年者茲

其一也

豐山古梅歌 并序

梅爲杜先生默手植先生祠在焉莓苔蕪沒鮮

集九



010190555882

過問者乾隆三十七年安徽督學使者朱笥河先生按部至和州爲作亭刻石於上歌以記之

伊誰植此春風樹花下作歌人姓杜猿啼鶴唳空山空身後誰來作花主先生之歌一世豪曼卿永叔真君曹先生花癖何所侶魂夢一清都似水愛花種樹花卽家較比逋仙富孫子十年作尉不救貧四海結交誰更親獨將光怪不磨氣分半壽得花精神青天鸞獻去飄忽坐使名花慘淪沒霜冷飄殘博望鐘夜深掛住蛾眉月寂寞苔蘚荒寒烟闕世經今七百年傳聞幾年花大放物色俄驚至天上風流使者乘傳過下馬空祠爲惆悵洗幽刷夜回陽光夏玉鐔金出高唱緣以亭檻崇之碑詢之守土僉云宜重來

置酒花墮醜一片贈與公相思文人從此出顏色幸是相逢有文伯不見東風昨夜來古香吹遍江南北

贈袁陶軒

近爲五言誰最長袁氏之子才英蒼是其家居溟海上沐浴百寶之靈光豈獨論詩意相可母老家貧亦如我負米還兼負笈遊五載重逢話燈火朗吟時一飄檐花細雨時聞落山果憐君家世本崔巍廉吏之子今難爲道中西華竟誰識座上北海真君師時借從鄭誠齋先生遊師門恩重邱山比青眼高歌望吾子莫將歌哭向時人自有名山報知己不才似我分飄零敢託微波寄賞音須知親在兼師在方識君心卽我心

贈別沈子孟

秋氣漸搖落吾徒合放歌但看君意得始覺我言多曲以
無絃韻顏常不醉醜自知聞道淺慰我欲如何
款款芳樽合迢迢蘭夜長無端成感激此意在微茫鶴送
三更唳蟾懸萬里光相思與江水明日下午錢塘

水碓

更笑桔槔拙無心白轉環水因灘愈急人與碓俱閒獨火
明遙夜疏聲徹四山誰知傾聽者愁鬢欲成斑

退潭舟夜雷雨

山僧夜半敲石火照見古壁騰龍蛇巖風忽刮一燈滅驚
起百鳥鳴嘔呀千林萬竅浩呼洶俄頃急雨翻銀車纜頭

墨色接天色白處兩腳垂如麻我舟忽爾移斷岸噌吰水
石聲交加舟人繫纜爭性命千丈一落分毫差懸崖怪樹
電光裏龍顛虎倒猶盤拏誰知暴雨不終昔打篷漸歇箏
琵琶前山已復掛銀漢隔岸尙見飛灘沙當窗絕壁不能
上薄雲來往明於紗草頭點點散螢火水上閣閣鳴青蛙
新涼美滿雖快意但破好夢方還家

吳山夜眺

高閣倚清虛深宵縱目初月浮江郭動星傍海門疏淚已
乾羊祜情當死伯輿如何凌絕頂難學化人裾

山館夜作

步虛聲寂散羣真夜色平鋪不動塵雲影自來還自去最

高山閣未眠人

城郭人民別想勞
看來身世總秋毫
此時萬戶應同夢
上有白烟低復高

長夜山窗面面開
江湖前後思悠悠
當窗試與然高燭
要看魚龍啖影來

十八夜

角聲風斷處
月黑四林秋
危坐忽消燭
高吟欲震樓
濤頭盤地轉
海氣等身浮
尙有越山色
烟中相對愁

暮歸北山下
叢木頽垣未知何人祠也
蒼涼獨步

悄然成詩

樹中出鈴語
覓徑經荒祠
星光滿空廓
照見欹殘碑
欲讀

不能審悄立
回風吹輕塵
旋成陣墮葉
飄相隨
屋角落烏羽
草心繫蟲絲
人跡一無到
精靈杳來窺
憐余嗜幽僻
不礙拈吟髭
明朝脫經過
盥手陳江蘼

游漪園暮歸湖上

名園負郭水爲鄰
水上垂楊繫馬頻
尋遍舊蹤疑隔世
畫來秋色借全身
池臺入暝難畱客
魚鳥能愁不近人
若說西湖似西子
此時意態只宜顰

洪忠宣祠

啖雪龍庭十載餘
辭家猶憶建炎初
兩宮辛苦餐梨麪
萬里烟塵遞蠟書
事去僅歸蘇武節
身閒聊傍葛洪居
湯陰祠墓還鄰近
可共英靈感故墟

登石甌山

草閒尋得逕絕頂豁雲烟漠漠風寒石冥冥雁沒天塔標
銀漢外寺圯劫灰前只隔西湖水歌鐘萬戶喧

由烟霞嶺至紫雲洞精舍

日出倚湖棹陰嶺此孤發叢篠時鉤衣晞露漸盈襪已有
樵斧聲丁丁出深樾欲叩徑所從尋聲易飄忽稍稍開停
雲微微辨琳闕夜梵悄已沈晨鐘閒將歇入門見夷光沈
照坐巖窟洞氣凝古香雲根抱臞骨相對我亦忘焉知境
超越君聽幽澗泉泠泠幾時竭

黃龍洞一名無門洞

未縋三千級先瞻丈六容無門窺法藏有地立雲蹤我識

泉皆眼人言錫是龍慧公如可作應許叩元宗

金鼓洞

祇激風泉韻何來金鼓名泥難縫地裂石忽使天驚斷脉
迎人氣虛中學語聲幽潭睡何物時有怪雲生

大佛石

舊說明湖是海邊人民城郭總茫然卻餘精衛未銜石遂
有祖龍來繫船骨立何心邀錦纜尸驅差喜脫神鞭山靈
亦解滄桑恨遣化西方丈六仙

戲題酒家

我亦曾裁一幅禪翻於此處買深樽出門欲脫青衫典先
道酒痕非淚痕

前度詞人今白頭往來曾閱幾人愁短章已汗君家壁試
看碧紗籠得不

過賈秋壑集芳園故址

風月平章賜第年一山樓閣半湖船若論相業慙何地便
有仙居借自天遼海幾時歸別鶴洛陽空復愴啼鵲半閒
後樂俱荒址滿路秋蟲咽暮烟

僧齋夜坐

四圍蕭瑟竹聲秋空僻雲房獨夜愁風雨忽來人定後星
河猶掛樹梢頭無端豔犬迎空吠有恨窗螢自暗投沈坐
頓忘身客處近城更鼓是杭州

問水亭

薄暮高城破鏡飛滿湖誰解愛清輝多情岸上人家火賺
得酒人無數歸

剩有狂奴占寂寥烟中舟子自相招放舟今夜誰邊宿只
向水香多處搖

湖樓夜起

漁舸歌舫寂無蹤夢醒湖雲第幾重捲幔水風能破醉鉤
簾斜月似窺儂暗中草氣兼秋氣烟外山容似病容若爲
幽人伴遙夜一僧樓上自鳴鐘

湖上雜感

遠山如夢霧如癡湖面風來酒面吹不見故人聞舊曲水
西樓下立多時

水寒成陣怯衣單落拓愁懷遣倍難薄負才情合憔悴可
憐閒煞好闌干

雨中遊桃莊看飛泉

卽東坡題
聽泉亭處

搜石乃得泉泉流更洗石石淨爭天青泉飛化虹白山中
連日雨深塢絕行跡誰知穿雲來乃有問泉客左右聞澗
聲尋源固不隔懸崖忽當面飄沫時濺額俯掇星迸潭仰
怖雷破壁一與洞壑緣分支已千百稍戛旋翻銀微渟頓
澄碧大海及汙潦安知後所適保茲在山心莫忘初境窄
逝矣眉山翁誰歟證心獲

鳳山南宋故內

廢苑年年長綠蕪小朝廷此忍須臾久將去路歸滄海尙

可勾人是聖湖家法請成援越絕心傳行樂擬吳趨是會
閱得興亡處錯認江山作霸圖

葛嶺暮歸

湖岸烟塵過雨清繁絲促管悄無聲水風蕭白鷗羣散山
日荒黃我獨行破寺陰陰飄柿葉晚汀漠漠謝蘭英尋吟
自愛幽涼地反覺悲秋氣漸平

水樂洞

地籟此焉得了非絲竹桐有人聞帝所何日到山中近覺
泉生石因知水韻風金庭當不遠縉穴可相通

雲棲寺

五雲山矗行復低縱橫十八澗九溪何出不雲此閒好入

塢忽逢雲所棲漫空綠雨竹千頃入不辨出雲俱迷鐘聲
道客出蘭若步擔一二逢闍黎蓮池蛻跡此焉在一草木
意皆含西嵐形龕抱定光見鮐皮如腊山肩齊和南乍了
塔相對師乎何語相提撕旃檀噴鼻和蒼荀伊蒲果腹甘
錫飴齋餘寺後看巖澗腰腳縱好須扶藜薛堦四漫泉灑
灑藤壁獨裊煙淒淒回峯閃綠埋倒景急瀑掛練飛長霓
延緣復值徑窮處嶺頭尺五天抽梯飛空騰擲我無具有
不盡意輸駢騾名山幾處過如霧眼膜欲刮無金篦今宵
且可抱雲宿忍待日出窮攀躋

虎跑泉

性公元和閒掛瓢偶來此愛此山氣佳無泉亦將徙道逢

白鬚人長跪乞畱止朝見雙於菟乃是兩童子盤旋忽不
見已有一泓水問水何方來南岳幾千里龍象一帖然天
人共歡喜至今鳴絃聲淙淙碧巖裏青蒲偃其旁綠蘿影
其底但啜泉味佳其人可知矣一彈幽澗音再鼓松風起

龍井

一路風篁韻行人度嶺來逕綠花宛轉澗與水滌澗孤往
追巖客空心訪辨才過溪亭不遠小憩亦佳哉

轟雷何處轉絕壁響龍泓物外齊乾澇山中誤雨晴不因
風斷續常掛月空明但莫然犀逼幽靈自不驚

舊說湖山石茲窺眾妙門浪蒼天補色窈峭地掀根面久
無畱影捫多已有痕更憐幽草碧趺坐每生溫

靈芽原有種他處遜清腴地借雲千葉僧分水一盂腸輪
猶自轉舌本已堪扶畱與松房隙他時位竹鑪
一按太虛記長懷玉局仙烟霞無改色丹碧是何年寂寂
諸天雨寥寥此夜禪明朝下山路回首定悽然

浙江亭

朝潮暮汐幾時休閱得吳兒幾白頭前度客驚霜雪老最
高吟倚海山秋蛾眉月掛愁千里魚口風吹阻萬舟明發
赤亭西上路片帆飛溯浙江流

黃山問道圖爲范懷山作

范善醫

不知山淺深安測道今古千雲隔兮萬雲阻縹緲高真此
宮府山之神兮林林而央央是守天地之戶陰陽所藏坎

離獻胎息日月輸精芒其人在山山亦壽等閒草木皆靈
長持將示世人不識杳絕紅塵詎能覓何來乃有方瞳翁
自掃青霞踏青壁木魅嗥君旁山猶歛君側還丹不求求
欲得自把精誠破山石黃圖之精吳樞子當日尋真亦來
此登空躡岱徒茫茫采得靈源後天死爐烟裊作天都雲
龍尾才拖鼎湖水頻行畱有嘗藥方一一皆能鑄顛齒翁
今訪此非自仙欲遣大地蠢蠢全其年至人使物不疵厲
孤往那惜芒鞋穿或云巫彭不升岐伯天草根樹皮無妙
道黃軒奸黜橋山崩靈蘭玉版言無徵安知雲驂氣躡隨
地足不到聖處誰能乘容成子浮邱公往來只在茲山中
有時化鶴似童子有時化鳧如老翁樵夫牧豎不可以皮

相往往出沒遊戲隨雲風翁行前路定相識拊掌一笑山
桃紅翁乎入山莫忘出多少扁盧待翁活

七里瀧

海潮連日大直過子陵灘助以乘風便都忘上瀨難山圍
青步障水皺碧琅玕長憶披裘客空江六月寒

賀齊廟 在淳安

公苗英爽練江邊擊賊威名自昔傳舊地赤烏開郡縣當
時白梃費三千掃除山越瘡痕合倉卒淮淝涕淚連父老
那知開國事新春賽臘自年年

新安灘

一灘復一灘一灘高十丈三百六十灘新安在天上

雜存從新安歸而余方自武陵來新安相失於道

作此寄之

來鴻去燕江干路露宿風飛各朝暮多時相失萬重雲忽
又相逢不相顧吁嗟吾輩有底忙悵好年華此愁度君飲
新安水我客錢塘城風巖水穴每獨逞此閒但恨無君行
君下嚴陵灘我上富春郭日日看山不見君咫尺烟波已
成錯卸裝孤館開君書知君去纔三日餘君行盡是我行
處一路見我題詩無吳山越水兩迎送今夜追君惟有夢

贈程厚孫時爲厚孫作書與汪容甫定交

繫余抱黯陋研弄鮮精業橫陳撫遺經詰屈口先嚼而解
嗤俗儒鯁論何哮呷識字得未曾異同先撫扱赧顏強師

承抱膝未見韜細或吹牛毛紆或旋螺甲虛或逃芒荒挺
或走偃狹六籍坐泥蟠鏗響誰與搗何如返崇山沈冥守
雲匣何如老秦壁璧螭任頽壓雖然千百年名義固非乏
緬維炎紀英紛綸工羽翼名象微言該訓詁精理洽下際
閩洛彥闡聖在心法亦坐門戶煩孽庶相攻劫所貴觀其
通不廢如裘袷亦如導支流納浸需啟牖亦如治洪爐金
沙融一霎誰爲同心言痒處與搔指適欣邁程子高談快
傾峽爲難有家世此任在肩脚傑觀卓不羣雄步坦無踰
覘所下帷處望氣已爲憺百城富擁桓萬軸架盈鄴時出
金石獻聲發不能欲遺哉作述心曠世共呼歡告我獨學
難業成資輔夾奈何威鳳資友我等鳧鴨我識江都汪投

分差可恰匪特經無雙羣言工貫插平時氣炎炎可望難
可狎論文忽幽渺境擬月寒硤遂與俗殊尙狂名紛喋喋
知君求友殷招來爲飛劄文陣各挽強敵勅兩無怯我爲
壁上觀目定不及眨名山讓公等吾行荷鋤鍾

秋日讀書不疏園贈主人汪實夫

繞歙皆山我看遍見山太多山亦厭田稜高下峯嵐童石
腹輪菌秀靈欠西行十里忽渺綿遠林蒼蒼波濼濼如繩
大路搖鞭絲似黛遙山界車幃美哉此鄉宜有人勝處卻
被君家占略經邱壑皆文心別埽烟霞築吟坵君家名園
先世貽維何藏之富鉛槧陸家充棟曹盈倉養就君才許
華瞻相逢意氣山爲傾倏見揮毫天可挾苦將輜樸塵齒

牙何異蹄涔比天塹肯容廡賃已幸叨許借書抄益愁忝
半生無術孟浪遊五字未工窮有驗知君博我良苦心祇
恐病處難爲砭反思昨夢天風吹百尺樓頭位書劍早知
此景眼前得何事十年徒羨豔吾徒亦有二三子天涯獨
學勞遠念行方作書慰藉之書成已有雞鳴店時方作雅
存杏莊書

題汪松溪遺集并所著詩學汝爲實夫之父

近世作者何紛紛牛毛麟角誰能分文人傳否生未必要
在光爛能常存先生往矣遺稿在我得讀之從後昆豈其
天意假司命乃遣大雅來扶輪文章可解妙難解望候但
覺春溫溫慨然想見公爲人坐公讀書秋樹根不疏之園
鄰鄭村村人往往罕識面鍵關晤對惟皇墳屏除一切可

已事放作百劫難刊文鑄山煮海富研述四始六際逾紛
綸上追申克溯元本下揖亨稟相討論十年書成付庭鯉
六經未有如詩尊乃知文字有元氣得古獨厚方深醇辨
香欲祝來已晚私淑尚有伊川孫厚孫是真窺見法眼藏不
啻皇甫來韓門三時抱簡聲常吞先生賚志良苦辛方今
幸值

右文化石渠眾彥趨如雲此書一出有目見先遣雅奏從
天聞一編家置意中事但恨不及當公身時
藏書將獻焉

題許萃和樂山書屋

昔遊何山奇東南黃海最但驚秀絕天地間終愁險出人
情外此地合讓天爲都遊之且難而況居若論卜築何者

得我作主人山作客不待招邀滿戶庭常與幽人借顏色
能化城市爲烟霞最好未有如翁家市聲只用一牆隔嵐
翠已教三面遮看山得山自來處百里軒臺陡雲霧支峯
散作萬馬奔昂昂欲過窗前去此中讀書生子孫那不頭
角都嶙峋馮家四經舊守匣鄧氏一藝皆空羣方知愛山
有真樂雀躍作遊吾自笑願託靜者爲平生此意久取名
吾名行當脫卻謝公屐來看君家一桁青

題汪莖儀圖照

乘空列御是耶非廣袖飄如鷁退飛誰道高寒歸不得七
重雲護半銖衣

雜題鄭素亭畫冊

月黯沈雲多山深夜泉長忽斷疏鐘撞誰敲石門響
翁如訪戴行我願爲童子隨向溪橋邊韻入橫圖裏
倦掩窗前卷閒揮膝上桐斜陽畱幾許雁背不成紅

別厚孫

用豆可合黃用麴斯成醴但覺相需殷焉能究其理吾行
天下多未見如吾子立談只斯須感我胡能爾洵哉交有
神作合非無以曾無古人多疇能愛知己語默關性情文
章出根柢若失褚期生不相天下士所冀爲古歡其終一
如始努力百年閒聚散方自此

汪荆石以詩見投且索賦其齋頭古梅匆匆未有
以應因書七月中所爲豐山古梅歌附題其後

朔風噤關晨不開忽報詩老傳詩來巡簷朗誦破寒寂尺
幅似挽陽春回是何筆力桀且魁有解讀者知誰哉多時
欲訪翁家梅歲晏苦被歸裝催翁今索詩爲花壽我欲賦
此無翁才一詩成時一花放每看一花傾一杯翁家此樂
在天上塵塚下士何由陪豐山古幹昨所詠爲愛昔者歌
豪裁眼中翁在豪過此安用望古徒徘徊先將此札疥翁
壁他時蠟屐來高齋作詩草草翁無哈

響山潭

一舟搖醉眠夢醒艫聲響洞窗見長崖峭立森如掌頽光
影澄流凝碧隨滉潑人言響山潭呼之應成兩三呼而三
應高下隨所餉大聲旣隆隆小語亦朗朗昔詫石鏡奇鬚
眉了能仿茲能效無形乃真絕言想喧寂人籟兼鳴叩道
心長迢然發鸞吟韻與連山往十年走塵中高唱無人賞
得此爲同聲苦心殊未枉

練江舟中

青山萬疊江一線一葉扁舟下如箭船頭高坐披裘人終
日看山如不見問君胡爲不見山山過倏忽迷茫閒崖連
但若障迎面峽轉忽如天霽顏嶺上行雲半晴溼晴雲俄
追溼雲及雨來只送山氣腥雨過頓助灘聲急星光漸大
口已曠搖舟泊入千鷗羣磯頭石作琳碧燦水底沙皆蛭
蚪文十年塵夢快冰釋中夜臨風展瑤席大魚聽曲來昂
昂獨鶴掠舟飛拍拍夢醒遠柝聞五更茫茫露下空江平

舟人醉眠時
謔語百呼不應天將明

冬日過西湖

寂寞樓臺鎖凍雲
閒蹤惟我最殷勤
西湖與爾堅相約
一過錢塘一訪君

湖上羣山對酒尊
無山無我舊吟魂
不須剪紙招魂去
畱伴梅花夜月痕

冬日克一過訪和贈

每經契闊想生平
四海論交有少卿
似我漸成心木石
如君猶是氣幽并
那愁白璧投無地
多恐黃金鑄未精
別後酒狂渾不減
月斜舞影共參橫

不愧狂名十載聞
天涯作達儘輸君
移栽洛下花千種
醉

倒揚州月二分
翻笑古人都寂寂
任他餘子自紛紛
樽前各有飛揚意
促節高歌半入雲

知君興盡欲回舟
日暮天寒不可畱
百歲去時何鼎鼎
半生行道苦悠悠
青山未買元暉宅
江水能言洗馬愁
前路酒徒相問訊
故人久已敝貂裘

謂令弟梓樹

癸巳除夕偶成

千家笑語漏遲遲
憂患潛從物外知
悄立市橋人不識
一星如月看多時

年年此夕費吟呻
兒女燈前竊笑頻
汝輩何知吾自悔
枉拋心力作詩人

別稚存

莫因失路氣如灰醉爾飄零濁酒杯此去風塵宜拭目如
今湖海合生才一身未遇庸非福半世能狂亦可哀我剩
壯心圖五岳早完婚嫁待君來

別陳秋士次韻

新知雖樂奈愁何相對空爲斫地歌去國反如歸思急異
鄉偏聚故人多懷君曉岸垂垂柳送我春江淼淼波何日
荆南山色下一條銀燭共微哦

春燕

畫梁仍在故巢傾誰遣依人又此行日暮庭空飛不去閒
花於我舊關情
誰與高樓伴苦辛重來非復昔時春只言世上多關盼初

念何曾薄待人

王謝烏衣眾所誇託身未肯戀繁華誰知覆雨翻雲恨轉
在尋常百姓家
迢迢故國去來休莫爲無情特地愁見慣蜃樓渾不訶我
家原在海東頭

兩當軒集卷第九

兩當軒集卷第十

武進黃景仁著

古近體詩六十五首

孫薇隱自句曲歸以詩示輒題於端卽和其春日
枉贈之作

句金之壇閒有陵云可度世而上昇東南一竅闢地肺綿
延休氣時雲騰華陽玉碣閉千載登空有躋誰其乘我生
夢見且未得君有仙骨君先登神君抗手不復顧曲城閫
闔呼可騰江山文藻待洗刷乘風欲去何由能譴訶元放
叱抱朴笑彼過客如風燈叢花匹練俛下界幻作組繡羅
君膺歸來脫袞出奇句是何光氣誰依憑試聽擲地響金

石不然捫字生圭稜竹墳篆鼎披詰屈冰車鐵馬驅凌兢
星枝落筆芒四射虹血漉劔斑初凝不愁嘔心鉢肝腎雲
夢八九霄浮蒸始知名山助才力技至此矣胡能稱靈蛇
荆璧家所握嘈噴眾響喧蛙蠅君其一出空所見如以赫
日消春冰由來文章貴瑰魄肯襲蹊徑循畦塍雲君山鬼
義斯正墨兵蒙寇言差恆云奇豈復古人過況以常語相
因仍長庚星死玉樓召此事讓君三折肱參之韓杜得沈
臬大厥門戶歸高曾遊山讀書更十載恐絕來者難攀承
我方兀兀弄鉛槧才幅偈仄無尺繒惠連得句自吟賞束
皙漫語叢譏懲謬逢作者癖痴嗜積氣得吐相誇矜憶從
去春枉君作遲久不報理詎應苦緣望氣已辟易疲軍再

鼓嗟難興傾心倒意詎能默聊用撮壤崇山層自知俗骨
不能換煩君汲引拋長繩朗吟偕訪舊遊去挈我騎二茆
龍升

贈明分司春巖次蔣清容先生韻

三首之二

繡虎才名威鳳儀望塵爭悔識君遲暫勞官海籌平準小
試調羹寄職司臥榻魚龍看變化故家陵谷歎遷移

尊人方伯

以事繫廷尉家籍沒

思親北斗闌干夜耿耿星杓欲化箕

天於豪傑試艱難未許烟波把釣竿寶玦僅存心愈壯明
珠雖去海尤寬鶯花南國思公子父老東郊拜長官相望
甘棠餘蔭在莫瞻直北涕闌干

君曾隨尊人官江南十餘年

廣陵雜詩

終古垂楊色春來似畫圖
烟花正南部盜賊已東都
四帳冷秋月十宮平綠蕪
至今渦水上流恨失頭顱
繁華關地脈剝復見天心
徹夜金銀氣摩空車馬音
銅山家萬戶綺食宴千金
誰識淮南客閒從局外吟
不作揚州夢時因載酒過
但聞花歎息似有鬼清歌
城郭黃流近樓臺暮氣多
討春何限好其奈晚秋何

和錢百泉雜感

先生執拂談經處坐覺涼
秋六月生多少聚囂門外
客一聲鐘後更無聲

沸天歌吹古蕪城
淮海波濤自不平
手指秋雲向君說
可憐薄不似人情

臣本高陽舊酒徒
未曾酣醉起烏烏
禰生謾罵奚生傲
此輩於今未可無

飢烏

啞啞啼烏翅
倒垂託身偏
擇最高枝向人
不是輕開口爲
有區區反哺私

重九後十日醉中次錢企盧韻贈別

摩挲蠹簡熱心香
癡絕吾師顧長康
詎擬高飛凌俊鶻
只吟苦調鬪寒螿
長松骨節摧和嶠
衰柳腰肢瘦沈郎
搖落不堪重錄別
秋風初束舍人裝

痛飲狂歌負半生
讀書擊劍兩無成
風塵久已輕詞客
意氣猶堪張酒兵
霜滿街頭狂拓戟
月寒花底醉調箏
誰能

了得吾儕事莫羨悠悠世上名

肯容疏放卽吾師花月文章皓首期那覓酒能千日醉不
愁音少一人知身名已分同飄瓦涕淚何曾滿漏卮幸有
故人相慰藉瀕行拋得是相思

無端被酒復沾襟秋氣偏傷壯士心幾見拖腸真有鼠誰
於焦尾更名琴經霜路草難承屐冒雨籬花不滿簪同記
尊前蕭瑟意舊遊魂夢好追尋

偕邵元直毛保之遊虞山破山寺遂達天龍庵尋

桃源澗

茲山海隅勝佳名昔耳食命儔得所導快陟如舊識千嵐
忽霞燦目光訝頻拭萬樹霜楓林豔此天地色助以朝陽

輝絢爛斯云極入林甫一轉已忘山南北素石兼長松彩
翠相鏤飾妙繪不到處化工展匠力應接搖吾精十步須
九息面面圍錦障陰陰藏淨域奚俟窮幽探茲觀生未得
誰云秋山空林暗日卓午寺門影遙紅幽敞形構古高僧
一指禪破山作山祖石幢鐫寶文珠閣散花雨寺後竹千
頃一綠上眉宇松閒就僧飯窗際聞樵斧枯澗積葉深葉
底暗泉吐度狖登山椒憩足匪一所回頭俛僧寮繚曲見
窗戶高處何所聞嘹嘹雁相語

登高易心瘁况茲搖落辰我行深林中敗葉如隨人前峯
忽中斷平野連城闐人氣此焉聚上結濛濛塵誰知我曹
樂迴與太古鄰日華轉壑底霜氣清崖垠更愛佳石淨皴

瘦無輪囷每坐不忍移撫之輒生溫遙山萬千疊何處平
吾身

下山行別僧歸逕屢轉右鐘聲忽遞風尋之越岡阜依然
邁精藍行近不知有逕造竹閣吟坐聽澗聲久尋源得奇
絕石理若瓜剖平落十畝寬側撒千丈陡想見春水生百
萬玉龍走暝色沈鏡光欲攬不在手未窺山面全佳處吞
八九劔門拂水崖較此孰前後明發更扳陟斯遊庶無負

題鄭秋堂山水幅

君家三絕此其一畫此春山白雲出春山鬱鬱何蔥蔥雲
捲忽隨縑素空偶然斷出林岫色複疊不知千萬重長松
飄風子墮瓦下有讀書長歎者坐看生滅雲耶出斯人懷

抱豈等閒我欲扁舟一相訪側身天地何由往

展叔山先生墓

龍蛇往歲訝崩奔宿草傷心滿墓門弟子下車惟有慟先
生高臥竟何言隻雞久負平生約一劔空懷國士恩令子
成名公不見此時悲喜總難論

嗣君培德今年舉於鄉

傳經舊地黯凝塵七載飄零寄此身八世日還深一日愛
才人總遜前人山邱涕淚關存歿衣鉢文章其苦辛後死
亦知終未免願分抔土作比鄰

偕邵元直遊吾谷

此間看山復看楓谷口敞與平原同長崖一障日邊雨高
樹獨搖天半風側身忽覺軀幹小挈友況在神仙中山靈

極知我曹樂畱住絕壁殘陽紅

大雷雨過太湖

甲午十月十一日將從具區歸吳淞曉來風日頗蒸鬱氣似盛夏非初冬人憂中渡有焱警舟無十斛波千重平生涉險輕性命況乃風便時難逢張帆逕渡不顧反去厓稍遠聲洶洶舟空帆足半掠水或出或沒疑游龍此時狂喜呼絕倒一霎快意天所供天如念我有奇癖忽然大笑電目睽東西閃爍雲四結如波萃萃如霞封俄兼墨色變深紫半天赫赫垂噴容遂聞雌雷轉水底飛廉屏翳驅相從鞭馳百怪起狂鬪列缺吐燄遙傳烽此時我舟助顛簸如山巨浪相撞衝我張空拳奮叱咤欲與霹靂爭其鋒暗中

不識神鬼至時有赤蛇飛貼霄雨聲更驟雷更疾一聲恪恪雲蓬鬆漸看雲氣斂餘怒略見兩腳收狂蹤回頭咫尺語舟子事已至此無恟恟尙餘徑寸未登岸莫計明日能朝饗我思陽月陽退聽豈宜玉虎鳴其宛易占冬雷有明驗驗必地震年斯凶果爾微軀詎足惜行且累及千吳儂華堂豈少失箸客此時萬口方詢詢誰知獨有浪遊子隻影汨沒隨鯽鱗不知怖心落何許反快一洗平生庸維舟得岸真幸爾轉思往境心如春驚魂或恐招不得已滅湖上之青峰

重過汎里寄懷龔梓樹

舊與梓樹讀書處

不款君扉歲九更偶因訪戴一經行

近萬黍維居宅

舊諳門徑詢

鄰里熟識兒童問姓名同學故人猶落魄重過班馬亦悲
鳴荆南山色青無恙如代君家作送迎

乙未元旦

隔年鄉夢驟驚回萬戶頻將爆竹催拜跪畧稀身是客經
書暫掩性猶孩遶牀懶使呼盧興闕座慙無射覆才我自
愛吟人闕處空庭閒撫未開梅

呈袁簡齋太史

一代才豪仰大賢天公位置卻天然文章草草皆千古仕
宦匆匆只十年暫借玉堂畱姓氏便依勾漏作神仙由來
名士如名將誰似汾陽福命全

雄談壯翰振乾坤喚起文人六代魂浙水詞源鍾巨手秣

陵秋色釀名園幾人國士曾邀盼此地蒼生尙感恩我喜
童時識司馬不須擁篲掃公門

燠室風亭翠靄閒藥欄花徑互周環半篙後主迎涼水

溪舊志爲南唐納涼所一桁前朝戲馬山似海繁華歸彩筆極天花

月養蒼顏誰知泉石皆經濟此意先生詎等閒

偶逢佳日徑開三絲竹聲攪笑語酣帳後金釵分左右筵
前竹箭盡東南張燈高會星千樹蕩槩清歌鏡一潭不與
西園冠蓋末可知才具本難堪

去秋先生招宴以病未往

春曉

黯黯復沈沈虛堂擁薄衾枕邊尋斷夢門外釀輕陰謝識
孤花意歸知獨雁心

二語夢中得

峭寒猶似許不道入春深

十四夜

照夜輝銀蠟當筵湧白波醉嫌千日少事到十年多皓月
常相似清歌不奈何歡場如不散那用涕滂沱

十六日

無端新恨鎖眉頭暗省韶光似水流自過百花生日日一
分春是一分愁

庭中落梅

憑誰蕭寂破幽容愛惜芳菲意較濃早得名花連夕兩極
銷魂事五更鐘自矜標格癡非福老見繁華夢亦慵省識
此時零落恨石欄干外蘚重重

將爲北行畱贈沈楓墀

入春五十餘十日九陰晦釀此將離天行坐輒吁嘸朝夕
聞書聲寓齋與君背時一相過從深談吐肝肺君才十倍
我抑抑善謙退計我客姑孰一至今已再昔君方髫齡已
露岐嶷槩賦詩倒座客徵故傾前輩重來益深造銜華實
爲佩鉤探積籍精斂氣羣經內方今重實學大義了無昧
翩翩虎觀儒大呼破龔憤眼見吾子出鸞翔應當代乃公
賢刺史既堂先生高義屬嵩岱更於寒微士加以性命愛元氣
之所鍾於君福斯載我欲爲諛詞不忍爲此態我欲揚君
名焉得家置喙見君學殖堅愧我舊業廢漫爲人海行毋
乃笑褫襪去程越河岳離心渺關塞念念自今始兀兀暫
相對

將之京師雜別

翩與歸鴻其北征登山臨水黯愁生江南草長鶯飛日遊
子離邦去里情五夜壯心悲伏櫪百年左計負窮耕自嫌
詩少幽燕氣故作冰天躍馬行

看人爭著祖生鞭彩筆江湖燄黯然親在名心畱百一我
行客路慣三千誰從貧女求新錦肯向朱門理舊絃吳市
簫聲燕市筑一般悽斷有誰憐

窮交數子其酸辛脈脈臨岐語未申割席管寧休罷讀分
財鮑叔尚知貧初心小負棲巖約後會依然戴笠人除是
白雲知此意幾曾情豔軟紅塵

說著因人意轉慵沙痕到處印泥蹤原嘗好客依都遍鄒

季論交別更濃浪許詞場誇姓氏要將人海盪心曾不妨

面似先生黑上帝何曾殺黑龍

事出墨子

身世渾拌醉似泥酒醒無奈聽晨雞詞人畏說中年近壯
士愁看落日低才可升沈何用卜路通南北且休迷只愁
寒食清明候鬼餒墳頭羨馬醫

載酒扁舟障錦車風情無際擅年華牽魂西子湖頭月照
淚吳王苑裏花已是舊遊如夢境況經遠別更天涯馬頭
細草茸茸碧來歲相看可憶家

賈禮耕用昌黎石鼓歌韻贈詩和贈一首

我生耳不別風節而愛清廟明堂歌夔襄子野不在世奈
此哇咬羣聲何或歌變羽亦快意驟馳鐵馬揮金戈詞人

久放防露作音雖噍殺終難磨半生古意徇同調企心疲
想空蒐羅誰知古調屬巨手魯靈光殿瞻峩峩世人求見
路相左不在朝市藏巖阿魚龍風雨各變態憑君一氣之
所呵文章鼓吹有根柢以混凡響奚能訛異書夢見身化
蠹奇字飽積胷盤蟬長源闊瀾絕游溯槎犯牛斗梁黿鼉
觀君筆陣卻而走狂叫百市巡庭柯魂迷上下九枝日目
眩經緯羣龍梭傳聞揮毫復容易若不欲作聊委蛇陸離
瑰魄乃有此便恐雨逗勞媧娥彫鈿元氣鑄福命我爲此
老揮滂沱蓬行鵲起頓塵壤壯士窮老歸平和但聞洛陽
負奇望不見島佛身登科他人慍色君莞爾世上餘子紛
何多感君意厚借餘論愧我蹇才同伏駝脫非知己孰華

予逕持布鼓雷門過不材敢濶匠石斲朽骨妄冀良工磋
南州昔日富文藻騎鯨客去江猶波青天明月不改色歷
照過客無偏頗生同斯世遊共國高談痛飲寧論佗我曹
世外結心賞豈似羣論工媿嬰一編落手等性命兩髀生
肉徒摩挲憐余親在有行役青山采石畱君哦此時暫作
失羣雁他日願化聽經鵝相從親受法眼藏奚事鑄像參
禪那汰淘眾響出金石發揮大義追卿軻書成倘許附姓
氏相與萬古流江河君其書銘置我座勉旃小子毋蹉跎
清明日借賈稻孫顧文子丁秀巖登白紵山

平原二三月百卉豔天地輕雲盪風光野馬走山氣灰心
忽飛揚聯翩逐遊騎游意莽闊寥肯爲尋芳膩登峰須第

一腰脚久未試水盡乃得山嵐回適藏寺客有霞外賞
落松閒吹長江獻浮練羣峯合晴翠當年蝟鬚人憑陵極
雄恣世不生英雄此亦可人意歌舞爲塵埃風景苦無異
弔古兼傷春我心悄然悴日暮歸去來精靈脫相魅

太白樓留別史尺庵

五年三度客南州強半登臨在此樓若使人生無別恨只
除江水不東流歌殘白紵辭官閣吟斷青山上客舟卻羨
姑溪溪柳色解將青眼爲君留

三月十三日沈既堂先生座中十二人合年五百
歲分韻得少字

繁葩綴霞林爛茲九春杪敞扉開長筵竹箭盡江表繫惟

主人賢高義雲日曠奉觴壽北堂分潤及賓僚或年如日
東或姿等松矯一與斯燕中盡作期頤兆緯知昂宿兼聚
嫌德星少屏去雲母障帷撤絳紗繞杯楸落蜚英壺矢靜
風篠酒氣禁宵寒燭光敵蟾皎卯飲兼夜遊黃昏連白曉
匪曰耽燕衍古歡合清醪我輩客天涯聚散枝上鳥去日
何堂堂後會方渺渺眷言主情厚頓釋羈愁擾錫類惟綿
長回心更傾倒給席喜價增齋翰疚言小行買千丈絲一
繡平原趙

月夜渡采石懷當塗諸友人

高城鷁難望山暝日飄忽喚渡橫江時蒼崖已棲鷓牛渚
靜驚濤天門鎖雙闕江隨花月夜舟與水雲發風細不滿

帆露重漸盈韞萬響俱寂寥微波偶瑟汨租船高詠沈畫
舫清遊歇試問古來人共此青天月撫景方沈吟懷人黯
銷骨離歌閒微茫別宴散匆卒今宵江館中應有夢飛越

旅館夜成

斜月陰陰下曲廊燕眠蝠掠共虛堂牀頭聽劍錚成響簾
底看星作有芒綠酒無緣消塊壘青山何處葬文章待和
燭鼻些須語又恐添渠淚一行

壽州贈知州張菴圃先生

蘭臺虎觀孰稱雄大有人藏吏隱中入夢三刀銜甫換隨
身萬卷橐常空天教經術成經濟我識才工勝宦工循吏
儒林更文苑他年佳傳總歸公

山右文章舉世推濱江桃李遍新裁知公獨有千秋意造
士皆成一代才大雅扶輪歸老輩小山承葢屬輿臺自慙
漂泊淮南客又款侯門得得來

登寓樓

書劒勞勞久倦遊偶思清獻得高樓淮山中斷開平楚穎
樹遙分見數州地僻市官偏倨傲年荒闕吏且窮愁鄉心
絕似胎簪水日夜東南不盡流

雨後寫望

彌空水氣自魂魂雨過長淮已到門七十二川流合處一
條清潁不曾渾

題錢雨樓圖照

天然臞隱骨嵯峨
破絮蒙頭自苦哦
殘雪一峯相對立
不知清氣落誰多

凍合千林鳥斷羣
此閒位置儘宜君
誰知萬仞高寒意
沁入詩脾已十分

院齋納涼雜成

每聞暮鴉聲窗暝
已輟讀鴉陣日一過
半空聲肅肅前者
若得意後者奮相逐
最後或兩三哀鳴飛
更速怪問旁人言
市後有喬木日出鴉
四飛日入羣就宿吁
嗟復吁嗟我豈如此鴉

平頭搖大扇不如風
自來細竹略成響已蕩
疏襟開竹氣況自涼
無風亦佳哉我行達
淮潁土性竹不栽得
見三兩

竿貴重如琉璃
寓齋偶具此雖少有
卽佳經春更添筍綠
蔭將成堆呼童日扶
灌相對時銜杯故山
足千畝一一驚春雷
胸吞不能盡多者伐
作柴其下坐故人念
我應徘徊爲師實人
患而我適坐之奇字
或相叩大半心然疑
所媿來問意贈爾惟
不知比舍聞誦讀暇
卽相追隨露坐當風
軒談劇鮮所羈聚首
豈不樂安能無別離
努力二三子何患乎
無師

去歲此方旱地有千里
赤江甸流饑民淮關
斷沽船米貴淮南時
正值我爲客今春好
雨暘喜見收二麥新
陳米未交斗價尙三百
又聞故鄉田多蝗土
將石我家無負郭更
復艱朝夕居行兩心
悸救貧少長策東南
民易疲豈任荒

歉積中宵望天雲殷憂定何益

尋墓篇爲程仲南作

出亦悲入亦悲兒悲不爲寒兒悲不爲飢問之旁人那得
知一解父一而已母有前後生我者父天父卽母母死不得
母葬所蒼蒼之天實誰咎二解一燈熒熒父病在牀顧語七
歲兒佗時歸母葬故鄉於何求之詢渭陽於何詢之之胸
陽三解胸陽十萬戶一一歌鐘起問我舅氏家老成已謝孤
子死借問舊鄉里呼名半人鬼母墓不可得不得墓兮不
可以爲子四解朝出郭門望暮出郭門望淚痕著樹樹枯死
芳草爲不芳誰何白鬚一老翁指點抔土沙堤旁幾年寒
食無酒漿幾年野火驅牛羊人言此事五十有餘載今得

歸母葬故鄉

五解兒寒不愁兒飢不愁兒名不欲傳萬口兒
事不欲傳千秋願人尋墓墓卽得吁嗟此意無人識六解

言懷

聽雨看雲暮復朝誰於籠鶴採丰標不禁多病聰明減詎
慣長閒意氣消靜裏風懷元度月愁邊心血子胥潮可知
戰勝渾難事一任浮生付濁醪
豈意曹騰便到今一聲鐘動思悄悄蝨魚枉食神仙字海
鳥空知山水音千載後誰傳好句十年來總淡名心何時
世網真拋得只要人間有鄧林

得家書悼殤女

初月才生落已催好花差喜未曾開珠從慈母擎中奪書

白山妻病裏裁終傍人家何足戀暫爲而父詎忘哀我從
客邸開緘慣略欠平安是此回

晚眺

關河容易入斜曛獨立蒼茫數雁羣樹裏沙淮流漸合門
前梁楚地初分天黏野草疑無路風旋驚鴉忽入雲我意
先秋感搖落澤蒲汀柳漫紛紛

淮上夜發因憶壬辰之冬借稚存隨朱笥河先生
按部經此倏三載矣悵然有作寄稚存

平沙渺渺烟蒼蒼長淮晚來沈鏡光舟行十里復五里
鈞新月懸危檣楚火星星明兩岸極浦清歌入天半七絃
罷彈觴不傾默聽離心倏零亂一半催成風水愁分明訴

出飄零怨我心棖觸非酒悲坐有往事勞沈思山川風景
了無異絕憶此流初汎時東山賓從南州客顧榮羽扇桓
伊笛前舫謹呼句落成後舟笑語風吹逼我舟李白同醉
眠醉後亂拍洪崖肩歎歌懷古樂相樂望者誰不稱神仙
只言好景堪把玩誰知過眼皆雲烟太息吾徒二三子半
脫芒鞋著珠履客路空追大小山離程已判東西水十年
湖海慙浮名再來跡比清淮清登艫依舊美清夜卻對長
年訴愁話素志難移橘柚根微軀不及龍鼉化我欲招隱
山之幽多恐歲晏難爲畱似拋雞犬未仙去管領別離無
限愁回頭卻望聽歌處已失八公山上樹

題李牧堂青巖圖

重崖疊巘氣冥冥寄爾乾坤一草亭壁上龍蛇藤補屋枕
邊風雨樹穿櫺才名此日兼三絕筆墨他年護百靈豈合
斯人老邱壑將來麟閣要丹青

中元

裁蓮作燈燈七葉百萬光從水閒出鳳膏著露精靈愁虻
脂映溜蛟龍泣迴光卻射恆河邊極天餓鬼來如烟幡幢
花果遍世界哭來笑去風飄然東家女兒巧心思剪得濃
花似儂媚自禮金仙守夜分不捲風簾養燈穗五更以後
珠斗斜野火散滅人還家嫩涼各抱蘭氣宿遍地露蟲鳴
緯車孤館空香步塵跡似有秋魂弔書客爲君更唱鮑家
詩愁烟裊盡東方白

秋夜

燭跋燒殘擁薄衾繞廬策策響疏林漏沈二十五聲點雁
送三千餘里音櫟社人閒幾零落桂叢天半自陰森蹉跎
淮海誰相訊夢向白雲迷故岑

兩當軒集卷第十

兩當軒集卷第十一

武進黃景仁著

古近體詩八十一首

曉起

昨夜朧朧月今朝瑟颯風琴心來海上客思滿江東館穀
充新穉園蔬進晚菘眼看時節改愁寂感秋蓬

史氏安之潁州便道見訪

曉聞鄉語驀然驚自起開門握髮迎鬢上吳鹽今幾疊夢
中楚雨昨三更昨以不及達就平康宿焉若論事業頭顱在莫數兒童
項領成絕倒行藏同倭侏君爲書記我經生

半載清淮常臥病經年舊雨最相思小山桂樹吟方苦大

海萍蹤聚亦奇按曲尊前推老輩傳經帳後得佳兒下牀
萬里吾徒志不贈當歸贈可離

綺懷

楚楚腰肢掌上輕得人憐處最分明千圍步幃難藏豔百
合葳蕤不鎖情朱鳥窗前眉欲語紫姑牝畔目將成玉鉤
初放釵初墮第一銷魂是此聲

妙諳謔譎擅心靈不用千呼出畫屏斂袖搗成絃雜拉隔
窗摻碎鼓丁寧湔裙鬪草春多事六博彈棊夜未停記得
酒闌人散後共舉珠箔數春星

旋旋長廊繡石苔顛提魚鑰記潛來闌前蕩藉烏龍臥井
畔絲牽玉虎迴端正容成猶斂照消沈意可漸凝灰來從

花底春寒峭可借梨雲半枕偎

中表檀奴識面初第三橋畔記新居流黃看織迴腸錦飛
白教臨弱腕書漫託私心緘豈憊傳隱語笑笑蕖錦江
直在青天上盼斷流頭尺鯉魚

蟲孃門戶舊相望生小相憐各自傷書爲開頻愁脫粉衣
禁多浣更生香綠珠往日酬無價碧玉於今抱有郎絕憶
水晶簾下立手拋蟬翼助新妝

小極居然百媚生懶拋金葉罷調箏心疑棘刺鍼穿就淚
似桃花醋釀成會面生疏稀笑靨別筵珍重贈歌聲沈郎
莫歎腰圍減忍見青娥絕塞行

自送雲駟別玉容泥愁如夢未惺忪仙人北燭空凝盼太

歲東方已絕蹤檢點相思灰一寸拋離密約錦千重何須
更說蓬山遠一角屏山便不逢

輕搖絡索撼垂罍珠閣銀櫳望不疑梳子簾前輕擲處丁
香盒底暗攜時偷移鸚母情先覺穩睡獨兒事未知贈到
中衣雙絹後可能重讀定情詩

中人蘭氣似微醺薌澤還疑枕上聞唾點著衣剛半指齒
痕切頸定三分辛勤青鳥空傳語佻巧鳴鳩浪策勳爲問
舊時裙衩上鴛鴦應是未離羣

容易生兒似阿侯莫愁真箇不知愁黃綠湯餅筵前見仿
彿龍華會裏游解意尙呈銀約指含羞頰整玉搔頭何曾
十載湖州別綠葉成陰萬事休

慵梳常是髮鬢鬢背立雙鬟喚不應買得我拌珠十斛賺
來誰費豆三升怕歌團扇難終曲但脫青衣便上昇曾作
容華宮內侍人閒狙獍恐難勝

小閣爐烟斷水沈竟牀冰簟薄涼侵靈妃喚月將歸海少
女吹風半入林炮盡蘭缸愁的的滴殘虬水思悄悄文園
渴甚兼貧甚只典征裘不典琴

生年虛負骨玲瓏萬恨俱歸曉鏡中君子由來能化鶴美
人何日便成虹王孫香草年年綠阿母桃花度度紅聞道
碧城闌十二夜深清倚有誰同

經秋誰念瘦雅摩酒渴風寒不奈何水調曲從鄰院度雷
聲車是夢中過司勳綺語焚難盡僕射餘情懣較多從此

飄蓬十年後可能重對舊梨渦
幾回花下坐吹簫銀漢紅牆入望遙似此星辰非昨夜爲
誰風露立中宵纏綿思盡抽殘繭宛轉心傷剝後蕉三五
年時三五月可憐杯酒不曾消
露檻星房各悄然江湖秋枕當遊仙有情皓月憐孤影無
賴閒花照獨眠結束鉛華歸少作屏除絲竹入中年茫茫
來日愁如海寄語羲和快著鞭

中秋夜雨

我生萬事多屯蹶眇到將圓便成闕今宵滿意觴蟾盤西
北浮雲早蓬勃薄暮雨愁夢散絲黃昏坐守猶未歇請從
樂府歌霜娥肯向愁人鑑華髮伊誰天柱追嬉遊有客鍾

陵去飄忽平生浪說神仙中至此能無愧凡骨三年三見
雨中秋蒙被掩關愁兀兀反思作客無好懷便有良宵轉
埋沒羈心卻與晦冥稱夜氣不隨絲管發況今萬里同陰
晴天意何曾閒胡越寄聲雲將謝雨師我心自有明明月
初更後有攜酒食至者欣然命酌卽用前韻

狂喜下階趨欲蹶豈意今宵百無闕滿堂酒氣飄氛氲一
縷心烟起翦勃渴羌奮吸老饕嚼雜沓雨聲同不歇壺觴
匪惠惠及時快意真無憾毫髮癡童睡醒驚抹眇似有神
廚運倏忽主人定夢羊觸蔬坐客休驚犬爭骨杖如可化
愁高寒繩便堪梯怖飄兀何如痛飲隨自然不共浮雲爭
出沒五更街鼓慘忽沈簾隙看天暗光發一度愁鄉與睡

鄉傾盡千觴已飛越願借君觴更屬君人生幾度陰晴月
十六夜有月俄爲雲掩因懷孫吟秋再疊前韻

純孤出海犇且蹶流光欲補前宵闕此時大地騰謹聲我
欲不狂心勃勃穿林一線棲烏翻下砌三甌語蟲歇巡欄
索句方沈吟又見纖雲卷如髮美人隔帷花隔烟縱好無
如閒芒忽只將彩翠輸鮮鱗不借華膏鍊塵骨彌畱漸覺
意憊悽舍去尙餘心仄兀中宵風露淒已寒達曙星河澹
將沒後時好景還蹉跎便有清歌詎能發遙知故人悵悵
同雁夜迢迢情難越相看咫尺不相親眄君如眇雲中月
十七夜借張秀才嘉會談是夜有月三疊前韻
傾囊斗酒謀竭蹶一任清光滿瑤闕且烹茗談千秋攜

叱羸劉詆平勃堂深夜寂鬼不窺放言危論何由歇朗吟
震屋飄瓦松散步巡階破石髮太息君才竟老蒼吁嗟吾
意真悠悠誰家長笛聲入雲吹裂巴山老猿骨頓覺長空
淨沈沈不知方寸起突兀我曹撫運聊蓬行若箇懷奇久
蕪沒卽看天上簷諸光忍待今宵亦終發再逢興會宜招
尋豫恐離鄉閒秦越送君出門復入門不忍多看是殘月
夜飲孫吟秋齋頭鄰家火發歸而成此並訊吟秋
朝來我讀吟秋詩光燄萬丈騰陸離夜來更飲吟秋酒華
燭滿堂生白晝居然奪席上眾賓絕似爛額焦頭人似聞
車轄已投井又報魚鑰先扃門我謂吟秋毋狡詭準擬今
宵腐腸耳可憐小戶當初筵已見流珠眼芒起起看四坐

方清談霏霏玉屑吹微酣不知泥醉竟胡底側耳街鼓過
纔三誰將此意達天聽天笑狂奴此宵病傳呼列缺導祝
融咨汝解圍惟奏功彤幢紫纛倏飄下中堂哄飲猶詢詢
一聲礮解天地拆東舍已作阿房宮各將酒面看天色潑
翻血海無其紅主人危坐掣客肘我奮排筵絕裾走手揮
烟爛如犇蛇鬼哭神號一回首歸來火速筭游光我酒已
醒毋披猖倏然火滅天亦曉作詩急訊吟秋老

發鎮陽

又趁西風事薄游冷裝依舊撥吳鉤淒涼道路看人面浩
蕩川原信馬頭終古遠山埋瘦日半生華髮戰高秋眼看
如此淮南地獨倚涼天寫四愁

秋夜燕張蓀圃座

白雪吳兒發曼聲華堂九月轉雛鶯眾中幾點聽歌淚不
到歌闌未敢傾

屏圍屈膝夜沈沈緩緩歌還淺淺斟喚到尊前非侑酒愛
他吳語似鄉音

東山絲竹感平生不到中年已暗驚猛省此身為異客一
宵歡燕主人情

借吳竹亭訪珍珠泉

筍輿背秋城晴嵐獻蒼媚鎮日齋樹顛卽是此山翠一泓
在山麓澄瑩沁幽思仰出泉之常跳珠獨靈異豈其鮫室
藏或者龍女戲瑟汨迸有聲勻圓洩無次旁或頓足呼湧

出更多致日光耀燿燦烟氣蕩幽闕涓涓嫩玉聲一道寫
芳膩有客顧我吁此泉蹇遭值品不登圖經名不出方志
筇屐罕尋探亭臺少位置村童裸來浴牛羊飲成隊置此
荒僻區乃真憾心事我言良不然此或得泉意高名每難
副多汲豈非累且與試竹鑪松風起遙吹

鄧家墳寫望

登山畏曛黑山半誰家墳聊復倚枯木悵眺延斜曛華表
臥草閒辟邪繡苔紋不知何公卿料已無子孫俛眎極千
里大野連秋旻秋陰市地來浩浩風沙昏殘綠掃未盡慘
澹霾浮雲壽陽瓦一垤淮水圍長闔美哉江河閒有此形
勢存孫曹始作俑戰守何紛紛天心倦離合地力疲吐吞

方今萬里一地險安足論頗聞守土責宜備淮渦神浸城
獻三版徙宅空千村頻年苦蝗旱此患匪所云但見途路
旁野哭多流民造物本無外誰與排九閭長歌不能盡恐
擾泉閒魂行行復延佇天半松濤奔

秋色

叢叢紫翠作秋英雨過閒階洗倍明若比春花爭得似不
輸穠豔只輸情

廉頗冢

昔年流涕史遷文抔土今來弔夕曛復用趙人愁不免一
爲楚將竟何勛英雄論定三遺矢市道交成再將軍終古
人情只如此試將杯酒與澆君

架頭頗多故人枉書未報作此寄意

強半書來有淚痕不將一語到寒溫久遲作答非忘報只恐開緘亦斷魂寄意愧無青玉案封函懶置綠珠盆故人若問秋消息落葉蕭蕭自掩門

孫叔敖祠

三時巫覡舞婆娑四壁碑題罩薜蘿循吏傳開名領袖寢邱封古廟塞峩生前遇合樊姬笑死後悲歡優孟歌借問貪廉何計得芍陂千頃自澄波

重九日雨張守先攜酒見過

萬里秋雲慘不開淮南木落雁聲哀地無一片登臨處

近陽無天送滿城風雨來幸有故人能置酒可堪今日不銜

杯已拌醉斷還鄉夢任爾鄰雞喔喔催

午窗偶成

只餘僮僕勸加餐那望園官進食單門館晝閒攤飯起架頭隨意檢書看

遶籬紅遍雁來紅翹立雞冠也自雄只有斷腸花一種牆根愁雨復愁風

烏帽欹斜已戀頭楚天涼思正悠悠中秋無月重陽雨孤負人生一度秋

新僕

新買孤雛瘠不肥未來先爲製寒衣桀驁野性馴猶苦嚙囁方音聽總非爾輩何求惟一飽主人無奈亦長飢憐渠

骨肉猶人子詎忍輕施夏楚威

悼馬秀才鴻運

飄零之楚復之燕檢點遊蹤欲半天只道馬卿常善病誰知長史竟無年感君意氣堪千古傷友生平又一篇尺涕臨風還自悼他時誰弔酒鑪邊

李繡川招集廣住庵看桂并贈叢輝上人

庵劉良佐建

捨宅空傳異姓王討秋今讓客清狂分明金粟全身現和合旃檀一味香佛地逢花宜破笑人天入座且傾觴主情卻比醇醪厚何處尊前不故鄉

不用行廚亂雀羣山僧畱客自殷勤

上人設食甚精

飲從歡喜河

流借饌自摩尼釜鏡分鉢底龍湫千丈雪袖中黃海萬重

雲前遊小話沈齋磬又報花開已夕曛

話吟秋齋頭次韻

半榻茶烟兩鬢侵一天涼思繫疏襟花貪入道披黃帔

時庭

佳盛開

竹解畱人下翠禽世態秋雲難比薄交情春水不嫌

深誰從藥臼薰爐畔省識斯人萬里心

沙洲行

門前洲渚春水生浩淼遠與淮流平吳編楚舸泊門下睡鄉明軋皆鷗聲經時臥病出門望但見短草搖天青水落不知處草青行復枯行人如豆馬如蟻出沒草際行蠕蠕若教此地不為浸豈非萬頃真膏腴長淮樹底渺難辨極浦征帆有時見帆影還爭落日飛鼓聲或遞回風便一行

雁帶商飈來散作秋陰滿淮甸
搯筇獨立何蒼然萬里勢
落蕭遼天客魂久已迷下蔡地氣莽欲開中原世情生落
盡如水何必桑田與滄海等閒風景傷羈人我客茲邗已
彌載故鄉昨日郵筒來石田犖确生蒿萊老親日日倚門
望試問遊子何時歸沙洲行復別伊去明歲水生無我住

二十夜

破窗蕉雨夜還驚紙帳風來自作聲墨到鄉書偏黯淡燈
於客思最分明薄醪似水愁無敵短夢生雲絮有情怪煞
鄰娃戀長夜坐調絃柱到三更

尹六丈爲作雲峰閣圖歌以爲贈

出君胷中隨意之邱壑圖我懸崖萬仞之高閣斷腰破頂
峰狀千縑石穿松雲態各弄君筆頭隨意之丹青使我鳩
形鵠面生光瑩風塵掃盡出真相土木塊然還舊形蓬萊
元圃藐姑射攝入橫圖不盈尺雲邪峰邪重復重杳然不
知圖所終故令閣勢欲飛去位我讀書長獻於其中咄哉
此客太相逼攬鏡依然舊相識周旋與我成三人畢竟置
身高處得我曾夜半登祝融鐵笛叫出金鉦紅又曾黃山
看鋪海石壁雲蹤至今在他如匡廬九子天台四明舊遊
一一歸夢境君畫與我通心靈從今臥遊不復夢但恐披
圖意飛動五岳尋真願總乖千秋作賦才何用碧海難騎
李白鯨紅塵漸老嵇康鳳客裏相逢意轉親袖君高手畫
麒麟若論此日圖中客亦是尋常行路人

失題

神清骨冷何由俗，鳳泊鸞飄信可哀。
何處好山時夢到，一聲清磬每驚回。
定知前路合長往，疑是此身真再來。
聞道玉皇香案下，有人憐我在塵埃。

爲沈莘亭題攬鏡圖

便道三生路不迷，此生幽恨已難齊。
分行淚碧凝遺掛，積寸心烟裊舊題。
早歲子荆傷永逝，半生摩詰判孤棲。
黃金買盡渾難鑄，畱待他年紫詰泥。

梁可堂爲作山水冊因題其上

賤子原多癖，先生自不閒。
夜歸江上夢，晨點雨中山。
寒翠自然積，野雲何處還。
願從幽絕境，對結屋三間。

畱別正陽書院諸生并懷邵二雲編脩

往歲青門客，曾爲此地師。
斯人真世表，而我亦心儀。
暫釋上丁菜，仍然太乙藜。
諸君應悵惜，未得久追隨。
好事多君等，時來載濁醪。
誦聲聯四舍，談緒引中宵。
不厭箕虛位，將毋木下喬。
經師未岑寂，影質且休嘲。
不是周旋久，誰知作別難。
懶驚邊睡足，飲詫邴腸寬。
此日勤根柢，他時望羽翰。
生平求友志，休作世情看。
送送一何遠，秋原而地陰。
道存無聚散，身在任升沈。
歲月驚將暮，雲山黯自深。
停車重爲別，其此百年心。

贈程生人中

生年十五六，文采亦已高。
譽雖籍籍其氣靜，不挑淬銳

比干鎮燦華爭璫瑤眾中得吾子如得綏山桃孔融有小
友王充多稚交亦見古先哲投分懷英髦我獨何人斯敢
以年自驕抗顏已彌載無術相蒸陶今方與生別款款觴
醇醪請我贈一言我意非徒褒我昔三五日壯氣干星杓
自擬羅預閒置身惟雲霄久之竟無驗譽者今已嘲尊前
有覆轍敬矣毋相遭但聽我言苦勿恃君顏韶

何事不可爲二章詠史

何事不可爲必欲爲人子異地附瓜葛他山託喬梓乃知
腥羶所萬物任驅指螺贏多微蟲黎邱足奇鬼東海一逐
臭西江詎滿恥甘心謂人父生者良已矣所苦泉下人他
鬼奪烝祀依然見斯流被金而佩紫更有呼父人相步後

塵起父人復人父誰非竟誰是

何事不可爲必欲呼人師觀其用心處豈在道義爲昌黎
作師說嘵嘵費繁詞誰知矯枉甚流弊爲今茲後堂列女
樂前庶陳牛衣位置雖不一市道均無疑桃李本春卉向
暖固所宜竊恐白日光難遍傾陽枝今朝羅雀處昨日橫
經時聚散在轉瞬令我長歎咨蕭蕭子雲室寂寂康成居
茅茨且休翦抱經聊自怡

題可堂印譜

昔聞昌黎言爲文須識字俗書動譌謬焉論古書契所以
有心人索古具深思觀其變態中綽可見根蒂伊惟印信
作旨哉得書意繆篆雖縱橫締索極精邃銅斑玉血中一

綫斯文繫重不侔鼎鐘功只記姓氏人各自爲佩識字聊
一二奈何俗儒舛此道亦捐棄私心自增損屈體鬪纖媚
誰歟出攻苦相與究疑義邇逢吾可堂於此見三昧作之
不甚惜求者鮮不畀欲令一筆譌千金不回眎袞然成一
編倉斯吐光氣波磔必老蒼慘淡出平易每於半黍閒欲
作千丈勢觀其用心處實欲功斯世吁嗟俗眼多曲說中
肝肺落落趨風塵何人辨能事西兵方凱旋羽書走星騎
將軍要勒銘軍中孰書記此事非君誰道遠莫能致三歎
聊贈言藏鋒待時至

壽陽

花草何須怨楚宮六朝殘劫總成空地經白馬青絲後山
在風聲鶴唳中終古英靈走河胃此閒形勢障江東我來
只訪劉安宅一片斜陽古廟紅

八公山

半壁淮南翠撲天振衣絕頂勢蒼然忽驚雞犬入雲去遂
有風禽來耳邊兒輩偶然能破敵才人何必定成仙登臨
去住終爲客日暮空歌招隱篇

渦水舟夜

爲憐渦水照人清素舸輕裝歲暮行但見流民滿淮北更
無餘笑落陽城月臨霜草寒同色風旋冰花凍作聲如此
天寒途更遠扁舟一艤若爲情

題潘寄湖照

荻花疏雨柳絲風
白板船掀箬葉篷
活國活人雙袖手
暫題詩在水雲中

料理烟霞遣簿書
斯人用意未全疏
憐渠萬頃無垠碧
不鼓巴琴起大魚

雪夜至亳州

信帆溯清渦歲晚水源閉
適我將舍舟風雪塞天地
襍被輕易肩書篋愛難棄
絮帽不煖頭迎面玉龍戲
夜色斂郊垆一白了無際
虛光紛四來極眺快心意
如乘剡溪船興發忘所自
如襲蔡州軍銜枚走精騎
一髮見南譙界天明睥睨
此邦古都會人物挺殊異
當塗斯沛豐三分推吉利
文采擅一門雄威振當世
霸圖荒已陳英風渺焉逝
鬱我

懷古心亟就市沽醉殷勤
愧館人幾訶怯關吏解裝
然涇薪孤吟聊擁鼻急雪一
打窗空宵客魂悸

渡河

一夜朔風吼河聲怒似雷
上流冰動岳亭午日飛灰
浪挾羣靈走沙浮浩劫來
懷中無白璧逕渡不須猜

題濟寧驛舍

烏烏凍角戍樓空
隻堠雙亭歎轉蓬
今日倦遊過濟北
何人長句擅山東
欹斜舞影雞聲月
觸忤愁心馬耳風
明發南城驛前路
去程都在雪光中

馬上逢雁

我方北去三千里
爾是南來第幾羣
來歲北歸如有意
深

集十一
四
閨書札恐煩君

東平

如繩大道走晴雷似水征輪起薄埃山勢盡朝東岳去地
形都向北平開絃歌鄒魯仍儒俗指顧燕齊想霸才快眺
頓忘行路苦一鞭捎下亂岡來

東阿項羽墓

將軍之身分五體將軍之頭走千里擲將贈友歡平生漢
王得之下魯城可憐卽以魯公瘞想見重瞳炯難閉至今
磷火光青熒猶是將軍不平氣昔奠絮酒烏江頭知君毅
魄羞江流懷古復過彭城陌知君英靈愁故國兩地招魂
不見君卻從此處弔孤墳美人駿馬應同恨多少英雄末

路人

東阿道中逢汪劍潭

三千客路行未半昨夜始宿東阿縣曉扶殘醉登雕鞍午
向茅檐餐麥飯擔夫逆旅相弟昆瀟灑行裝子無伴門前
郎當聞馱鈴有客停車捲車幔裘馬雖爭入蜀都容顏畧
似游梁倦凝眸審得故人是失喜抱持狂欲旋大海浮萍
聚亦奇各拂征衫更相見五年相失江淮閒舊雨星飛尺
書斷誰知馬溷塵坑中千里遊蹤牽一綫我來潁亳君淮
徐征程似水東西判天公若慳會面緣早晚何難一程先
問君此行胡爲哉懷策欲向金門獻多時苦作飢鳳號今
日應隨景星見我簪秃管亦沓來相從願識金臺面斯遊

端合決行藏親老何堪久貧賤此邦去歲遭黃巾過客至
今猶色變時時林鳥驚虛弓往往村墟斷朝爨窺囊縱不
憂盜賊爭命何曾識刀箭逢君始覺膽氣粗獨客愁心書
冰泮復憂天際堆同雲只恐前途飛雪片畏寒偏欲衝寒
來我輩謀生不如雁今宵且作竟夕談十千沽酒寧容算
從此千山並轡行車中更乞新詩看

曉行

星光暗到客行處霞色起從天盡頭小店欲隨平野去殘
燈都被曉風收絕憐鐘破將歸夢可奈霜欺欲做裘喔喔
荒雞最無賴雁聲又送一鞍愁

高唐

古意爭如客意多迎風伏軾快經過徒聞上客工長笑曾
說州人最善歌淳于髡縣騎故里道旁皆有碑艸沒龍頭應有塚沙枯馬
頰已無河臨流亦效宣尼歎吾道從來奈命何

德州

江鄉風景眼曾諳近水孤城一駐驂百斛估船來日夜千
檣漕艘自東南唱歌帶客調銀甲市酒澆愁瀉石甌人馬
同時渡河去夕陽吟思最清酣

景州道中戲呈劍潭

未獻長楊賦先經細柳營前途多姪女愁聽數錢聲

獻縣汪丞坐中觀技

主人憐客困行李開觴命奏婆猴技一人銳頭頗有髯喚

到筵前屹山峙鎮頤解奏偃師歌斂氣忽噴尸羅水吞刀
吐火無不爲運石轉丸惟所使上客都忘葉作冠寒天倏
有蓮生指坐令棊几湘簾旁若有萬怪來回皇人心狡詭
何不有爾爲此技真堂堂此時四座羣錯愕主人勸醉客
將作忽然墜下趨奚奴瞥見庭中飛綵索少焉有女顏如
花款闥循牆來綽約結束腰軀瘦可憐翻身便作緣竿樂
初凝微睇摹高絃高絃見欲上不上如未能失勢一落似
千丈翩然復向空中騰下有一髯搗畫鼓棖棖節應竿頭
舞驀若驚鳶墮水來輕疑飛燕從風舉腹旋跟挂態出奇
踏搖安息歌逾苦吁嗟世路愁險艱爾更履索何寬然鼓
聲一歇倏墮地疾於投石輕於烟依然娟好一女子不聞

蘭氣吁風前我聞西京盛百戲此雖雜樂猶古意石虎休
誇馬妓書杜陵雅愛公孫器螭鵠魚龍亦偶成戲耳何須
蕩心氣狂來逕欲作拍張我無一技爭其長十年挾瑟侯
門下竟日驅車官道旁笑語主人更觴客明朝此際孤燈
驛

河間旅次次壁間韻

北風古道走黃沙落日高城隱暮笳地枕滹沱還似礪人
居燕趙慣如花愁聞石調邊兒曲怖聽雷聲夢裏車不少
道旁遊倦客也言歸思遶烟霞

原韻一夜關河斷飛雪不容清夢到烟霞

趙北口

居然楚尾吳頭畫忽向燕南趙北看爾許離心攀不得十

三橋柳挂蕭寒

乙未除夕前五日筇河先生偕集陶然亭分韻得影字

蒼精奮長鞭元武縮其頸豫從黑道中捧出熙熙景下土
方在迷達人已猛省九衢足輪蹄晏歲益驕騁豪奴走華
餉絡繹鬪豐艷誰憐天地春汲汲爭俄頃或亦強解事消
寒燭能秉重幕圍氈爐怕使風吹影陽春縱有腳不詣坐
蛙井吾師古沈冥展序動遐憬指點城南隅一片蕭涼境
此可羅古歡亦宜散盃皿烟直流飛蕩天空障崇嶺春魂
呼欲出春意撩猶靜上座歸老蒼分席閒臞瘠星散人海
閒環顧倏合併清談正霏綺四座忽引領夕陽走山翠亂

撲到軒屏吸入深盃中眼花旋相凝酒面蒸餘霞一縷吐
殷頰引杯纔說申問夜俄及丙起看天上星已聚光耿耿
東皇伴靈驂歡意相與永壽考兼榮名自錫不須請玉山
漸頽唐我意卓然警影纓上國遊醜士類山瘦蕭蕭吟露
蛩兀兀揀書炳裏身熱塵中百法不化冷豈期北海筵得
列西園梗顧眄一生輝華心渺思逞緹室飛纖灰春力一
何猛可知天地心不在千桃杏奈何嬉春人必待月如竊
賤子工談俳羣公任歌郢作賦雖不成吾以志吾幸

棟鄂烈婦輓詩

舒相國第六子婦夫死自經以殉

黃閣蹉峩倚玉京舞鸞中道阻哀鳴九泉誓共鄰生穴一

慟真崩杞婦城

天子動容旌赤管相公收淚慰蒼生冰霜那得心如許曾
向穹廬萬里行

青羅帶子角雙垂錯認人間續命絲拋向空梁愁玳瑁殉
歸香土化臙脂可知就義從容日卽是同心龜勉時身後
不須封石窆西山高並冢纍纍

哭龔梓樹

相逢兩小意相親轉眼青山哭故人到死未消蘭氣息他
生宜護玉精神拋殘小劫初三月正月初三日卒看盡名花二十
春怪道年時頻夢汝半身霞翬禮羣真
十年舊雨阻燕雲把袂俄驚冥契分一喘夜窗猶待我兼

程朔雪似因君

時予至都甫十日

每憂謝弟年難永不信龔生薰

竟焚回首荆南讀書處滿山猿鶴弔斜曛

兩當軒集卷第十

兩當軒集卷第十二

武進黃景仁著

古近體詩四十六首

平定兩金川大功告成恭紀

謹序

蓋聞六月歌于風詩九伐秉自周禮堯天至大聿興丹水
之陣舜治無爲亦事有苗之格稽古哲王未嘗不以武戡
亂命師用邊是故兵也者聖人非樂之也所以讐不庭除
不軌救無辜正大憝也抑或聲教有不及暨撻伐有莫可
加自古迄今未有并區兩大齊軌萬國德敷之而威若威
振之而卽舉豐功偉烈如我

皇帝者矣惟兩金川蠢爾餘孽雜谷荒裔金沙穢流馮其

遐阻肆乃狙賊急則相倚如狼狽之一膽緩則相嚙狀蠅
蠓之兩頭曩者

王師奄征瓦解冰釋

帝惟天不偏覆日無私照討叛示武柔服示懷虔劉焚蕩
有未盡焉雨露再滋陰沴潛作養其螿蠶之毒侈厥梟獍
之志于是

天子赫焉西顧元戎肅將

天誅有征無戰不逾七旬之期一勞永逸略俟三年之久
孥其老弱劓其巢穴頡利之首函焉先零之頸繫矣捷旌
星至羣懼雷扑以乾隆四十一年二月大功告成百禮咸
備史官載烈以筆詩人著美于頌彼夫漢使開邛徒通竹

杖之利魏臣賦蜀惟誇蒟醬之美臣草茅下土夙黯研述

每陋前言或多未當謹抽極思之致敢附奏御之篇不以
鋪張爲主而一歸之

聖天子彰瘝耆定之至意其辭曰

聖不得已亦用兵于功爲造德則成我

皇御宇奠八紘地彌天區廓合并誕敷

文德恢何宏有不格命始用更九黎三苗從薄征二萬餘

里條底定蠢茲金川俗敝俾雜谷沃日紛殊名在昔負固

喧蛟虻干鏢一掃無長鯨坐收荒徼歸王程唐皇駿業垂

千正工歌聲詩賢誦賡

帝曰伐國謙斯亨其地吾宇民吾毗渠魁已得他奚爭越

年逾紀孽載萌耿以燭火抒櫬槍四家十姓先內傾猾酋
彼猖誇僥豐昔者款關今敗盟示威罔讐誠罕恠

天怒赫斯開九閔桓桓禦武厥命卿類造

上帝告

宗祊往救赤子離阱阬天將位列西金庚上掩方召卑韓

彭

命惟三錫師尙貞公徒貝綬徽朱綬妙簡七萃聯五營兵
車四出麟隱軒

金符節郎剖玉瑛牙璋赤炎輸芒瑩若開武庫兵自鳴夏
摩出火聲錚錚十星斧鉞隨參橫靈旗珠斗畫牡荆烏號
越棘兼雕解鹿盧筒次如連瓔雍狐瑞鞞光浮晶神矛跌

踰初降精山立雲委出天棖元戎拜

賜身為輕夕不家宿辭

帝城式董戎寄揮長纓維時羣醜方蕩蕩思戟螳臂當雷
轟戴山元蚰觸柱蜻伊恃阻險山嶸峭毒淫霧水流還滌
百飛不度愁羌鴉漆身披髮形怪獐猿狙雜隊工趨趨升
降峒壑如履坪用敢背恩凶貫盈

王師奄至驅獐麋霍若天外影星旌復疑地中鳴鼓鉦驚
逋竄竊同縣黜甘泉日夜來捷音

至尊洞燭軍中情沈謀密斷醜莫偵萬里決策無捨攘六
軍用命忘有身羊腸虎棧千盤縈懸車束馬登紮鬻前軍
鑿石雷殷磅後隊伐木猶丁丁或手接樹罽纏縉雁行魚

貫交推擊每逢一險百巧呈絃聲霹靂山碎訇忽或萬炬
然火棚地雷慢砲豁谷豁火雅火雉而火狴烟飛石散開
崢嶸游魂灰滅不及瞪突鋒冒燼紛投誠頸徹絃索髡鬚
擊旄則負杖兒束縲日見天日逃圍圍示賊巢穴指掌明
左屠右翦怯孰殼斜攻閒發窮支撐迎刃策解無堅輕斷
蝟首尾交擊榜如拉朽株如建營首俘厥父磔國門獲生
累累娃兼嬰元凶膽裂心惛惛枝頑助惡陰使令負嶠困
鬥且束頸延死一息藏井壑

天威霆奮疾復勅鏹削虎穴薰躡躡彌雲而布天畢宏不
使蚊睫逃螭蜩饒奏月捷喧鏗鏗降王銜璧軀裸程窮鱗
戢甲俛就烹頃刻豁阻皆蕩平天人中外喜則均

帝惟

列聖威爽馮聿謁

陵廟驂玉衡五雲松栢飄醇醑祠官奉虔陳特性祇

告武功於赫聲陬維二月春英英旋

躡南苑韶景新敬奉

聖母巡岱行

慈釐茂育天禧迎千官扈從鏘璆珩錦花陌路飛羣鶯

慈顏顧喜天回榮岱宗鬱盤何岬嶸青氣上屬宮闕宏吉

日刻瑞檢紫璫勒成紀烈迓百禎呼

萬歲三響震呖江淮九節抽芽蕒嘉禾六穗聯一莖互七

十王功孰京

六飛載駐鸞和譽

素靈闕里輝煌煌行告成禮宮開鬯儀日三獻奠兩楹祭
藻舞戚奏咸饗禮成進講羅諸生從容六籍相簧笙凡百
嘉瑞惟

帝慶西師按候方凱旋長驅壯士歌慨忼虎臣解甲懸
弮去時茁柳歸霏霏

帝日勞矣觴兕觥策勛舍爵子實政凱樂告

社金石鏗史官載筆書藏宸洗兵甘雨傾蓬瀛邊徼永絕
織塵驚雕題鑿齒皆王人在上日幪旁日幪億萬斯載歸

皇清

平金川饒歌十章 謹序

皇帝以兩金川羈服在昔並隸土司未幾狡焉釋騷違我
邊吏抗我顏行大軍進討五載而將軍阿桂實成厥勳于
是祭告省方獻俘班爵官有典常自收準噶爾部二萬餘
里以來

聖武丕丕禮樂爲昭復茲咸覩赫矣那矣其軌於前代者
也臣伏見

聖主威靈聲行仁漸義廟有任賢將之明除惡務盡之斷
所以耆莫大之功有不匱之孝思格于上下百神所以專
爲廣溥之恩誕受無疆之福宜被歌詠用賡休烈擬爲古
樂府饒歌曲凡十章章舉其目雖不足仰希作者風節庶
幾鼙鼓軒舞之義其辭曰

帝聖武期會昌誕靈極綏八荒吹萬亭育浩括囊自東西
南北咸丕享弦弧剡矢

皇威赫張不遐砥屬率格命有不格命

帝曰予肆正眇竿檄騷曷靖再克捷永底定功之成惟

聖謨恢天綱奠神輿狡蟲畢精民蘇滌洋洋噉會圖

聖武揚美大功也

賊何巢巢惡木波滔淫豕咀蠹是生梟獍孕虺蝮謂天視
遐莫我剗剗有狙有獷黨彼凶族

王師霆奮抑何速解無脫弋矢守箠斬關犁庭不可以谿
谷髯君蠕蠕就置罍巢之戡眾雜覆一雛爭網漏疏目反
爾鼠噬呼穀穀爾父國門有顯戮

戡賊巢敘始事也

巽命申命定西載典圭炎禡靈旗惟參四星實副之正邦
除懟汝實司詔若緩急若先後橫絕萬里決策汝授尙赫
赫禦武

皇靈是佑廣廣爲夏滔滔當春往沛時雨清沴氛膺福艾
曰虎臣

巽命申予阿桂定西將軍印豐昇額明亮爲副也

勁旅發雲駸駸甲霜野戈鄧林天劔倚月羽森蕊犀陸截
輕鴻波沈火牛燧象孰敢搜摯度月在箕畢軫翼迅森施
爛惟此千隊萬騎

天子所命元戎是寄誰謂小蠢無役重兵我

皇帝武惟斷乃成枝駢九校鱗比七萃岳移雲動雞犬不
鳴吠遶井絡回參旗從九天壓雪山以摧彼頑敵虜方
蚩蚩

勁旅發飭滿洲火器營赴軍也

不五日烟霾昏翳川霧岳潛游魂前跋後顧據凶門五日
捷展陽耀疾雷破山蕩青徼倦虬虺伏孰趨懸繫組貫索
他他籍籍曰吾儕匪敢反側彼狡酋實借厥德嗟凶黎爾
禍洵自貽疇昔來乞命國如累卵危爲汝萬里而懸師今
反黨惡自令剪滅爲五日捷猛何疾蠅蠅兩頭斷其一移
軍進戡急勿失

五日捷復取美諾也

軍宵行露泥泥豐隆收聲雨新霽聞行疾發塵不起摩天
羣峭礪百重一礪告傾百屯燬電捲列柵呼聲殷空羣凶
倉皇殲軀夢中餘者尖鋒冒燼飛走窮一日克收三年功
因建瓴勢撤彼外險乘霧直上惟將軍敢奏月捷排九閭
帝曰嘉哉繁汝勤光若先烈用集勛

將軍奮阿桂克木思工噶克了口豐昇額平遜克爾宗
也

大集師聲赫張發醜窟穴傾蓋藏賊恃犄角礪棧森相望
有勦一窟居中央蟠根苞枿歷紀生豺狼桓桓定西區畫
繳以詳環龜兼舍迅擊擄穴地斷臨閣泗淵絕飛梁俾若
援逕犀截矯翼難翱翔然後曳柴然炬魚貫浮沙囊地雷

殷發烈崑岡桀解支體從空揚迷魂竄竊窮奔亡中天秋
月懸明光

大集師克勒烏圍師悉會也

渠魁得從鬼區困獸且鬪僵負嶠師兩路集百險俄蕩除
彌雲羅布天羣鯨波涸鮑寶塞韃束靡開然後渠魁乃得
悚猓猓縻尺組勃者庭孰爪距孰咀遠克負斯不遑處驅
白狼縛旄牛蠻觸盡欃槍收浩塊北寂無求置一堠永千
秋

渠魁殲平噶喇依獲賊酋也

侯社宜奏愷樂靈旁皇顯煜燭九土式奠百族咸若俘瑤
玉以歸罔有佚惡

帝曰予一人孰克武上天降祥光祐我

烈祖受洪捷赫明明以罪人得祇告於寢成惟
列聖丕顯我

皇帝慶

侯社宜行獻俘禮也

帝德廣運六合寧耆定武功文用經格苗戡黎除不庭合
內外一徹障屏不占九譯趨明廷永奠四極贊三靈西鵠
東鱗伴雲亭百神受職惟德馨含生負煦各遂形昭符嘉
貺洞秘扃神泉帝漿傾淥醕澤物物解執使合厥挺朱草
枝瑞蕙協契圖牒爛雲星握樞運符享遐齡
德廣運垂無窮也

平金川饒歌 十章之七

王會車書萬國通軒弧舜戚本同功從知地輔天衢外只在堯封禹甸中

曾傾西海蕩流沙撒馬花兒盡一家偏是旄牛青徼地卻煩兩度拜輕車

蠻烟腥峒鬱唧槽毒水金沙界作濠忽報將軍自天下一時齊擁白狼逃

月黑軍星薄降婁漫山慘霧嘯鸛鷗天教小醜延殘息暫放奇功五日收

驚藏釜底剩遊魂契女蠻君棄壘奔一夜六騾逃不盡自牽草索到軍門

千層礮礮破雷轟百險俄從指顧平手縛樓蘭獻

天子不須高築受降城

一柱標銅再勒銘南人從此奠威靈請看四載懸師處十里桃花五里亭

春感

二月不青草蕭然薊北春千金無馬骨十文是車塵氣盡初爲客心空漸畏人道旁知幾輩家有白頭親

亦有春消息其如雨更風替愁雙淚燭對語獨歸鴻宮闕自天上家山只夢中東君最無賴不放小桃紅

卽席分賦得賣花聲

何處來行有腳春一聲聲喚最圓勻也經古巷何妨陋亦

上荆釵不厭貧過早慣驚眠兩客聽多偏是惜花人絕憐
兒女深閨事輕放犀梳側耳頻

摘向筠籃露未收喚來深巷去還畱一堤杏雨寒初減萬
枕梨雲夢忽流臨鏡不妨來更早惜花無奈聽成愁憐他
齒頰生香處不在枝頭在擔頭

送何數峯之輝縣

輦洛才名動綺年識君風雪古幽燕情如春水桃花後游
其天津析木邊獻馬客多金長價好龍人少畫銷煙歡場
只意常相守忽報臨歧始惘然

行拋市上荆高去去訪山陽嵇阮游笑我因人常苦熱羨
君前路正迎秋臺空歎落千年響地古泉爭百道流莫爲

登臨忘回轍有人凝睇鳳坡頭

翁覃溪先生以先文節公像屬題像李晞古筆藏

夏邑彭春衣侍講家此先生屬山陰朱蘭圃臨本
也

我生後公不卅世公之斑斑無復存西江巨派遍海內摩
圍衍脈枯生塵家風鮮嗣愧才下空緬彷彿勞心魂北平
學士示我畫我祖生氣今猶新映之蒼壁太古色洗以淥
水空天痕雙睛熊熊裂積鐵廣袖落落生長雲深山大澤
百秘怪坐朝詩祖來如奔何人作繪鑄生面李待詔唐超
不羣明知畫以人不朽想見下筆工苦辛匡廬大好讀書
處世閒邱壑卑何論可憐一與人世事積毀消骨憂殉身

文章光燄在天地絹素慘淡磨朝昏先生今世巨手筆後
先作者通精神賦詩還畫九頓首莫乞餘慧張哀門願從
大匠請繩墨華胄敢恃圖中人

桂貞曲爲潘蘭垞賦

桂枝中抱辛較甚蓮心苦剖作琵琶槽切切能私語不比
紅豆枝祇按相思譜過客傾耳聽繁絲激悽楚曲終人馬
喧此別成千古省省墓門風霏霏陌頭雨攀樹迷故柯尋
聲何處所時見楊柳花彌漫撲空舞

顏魯公名印歌

顏家世寶魯公印我初見之光奪矚倚天柱地赤文兩銅
八分廣徑亦如何論倉籀孰秦漢招搖輸金造化鑪公之

靈爽照千古洞天琳腴結蕊珠英英握拳透爪力侃侃正
士端人書想當印印錐罷畫小署紙尾猩紅硃初疑舐罷
盧奕面淚痕血漬交模糊不然老臣忠義膽一腔色正離
方朱當時河北廿四郡大名獨邀天子呼世稱魯公不姓
氏況千載後鯁生乎口噤遑敢以手摸觸著恐犯蛟螭衙
頗嫌官誥尙書印九疊盤曲傷形模雖然物以人重耳以
此較彼徒區區詩成更乞印一紙佩作肘後龍威符要扶
心臟作正氣魂夢不敢流荒誣復愁雷電忽下取神物一
失如亡逋

得稚存淵如書卻寄

秋窗夜涼燈一粟日南坊西數椽屋客心羈孤不可論忽

有故人書在門書詞悱惻紙黯慘曾洗巨浪傾崑崙寄書人會
覆舟於河關阻越兩年別展翰披緘轉愁絕洪生倔強百不
諳只解故紙驅銀蟬自餐脫粟厚親養儉歲僕被遊江潭
孫郎下筆妙心孔百煉枯腸寫真永寄我新成病婦詩不
特才豪亦情種鶴籠鳳斂兩不聊憐我塌翅爲解嘲老親
弱子感溫問古意分明見方寸入世無妨醒是狂謀生敢
道貧非病燕山九月飛雪花日日典衣歸酒家聞鐘偶一
攬清鏡面上薄已汗塵沙插標賣賦愁絕倒臣朔苦長時
不飽織錦偏輸新樣工論文每歎清才少春風野火句全
刪今日長安住較難故人遲我作長句須在匡山讀書處
十月一日獨遊臥佛寺逢吳次升陳菊人因之夕

照寺萬柳堂得詩六首

風色薊門寒蕭條歲又闌六街飛蓋滿獨客廢書歎旅食
謀歡少清遊覓伴難朝來逕孤往瘦蹇勝雕鞍

崇南坊角路側帽自行吟市盡天圍堞霜清寺出林宮雲
荒碣石臺日澹黃金幸有故人其慨然談古今

長安碁局外高臥羨能仁寺佛作古碁忘年樹虛龕積寸

塵閉門知客少退院識僧眞便欲肩行李從茲寄病身

夕照何年寺龔生殯此閒龔梓樹盾所命遺文銷白蝨齧

骨待青山林酒生平盡經年涕淚潛紙灰風動處送我出

禪關

綠野名園舊黃扉上相開連天起葦杜拓地館鄒枚事往

寒雲白林空野鳥迴老丁鋤菜急不問客何來
欲放登高目平岡正落暉穿蘆時見帽攀樹每鉤衣雙闕
明金爵羣峰走翠微南飛數行雁目送思依依

笥河先生齋頭觀馬負圖雨竹障子偕家葯林作
東土美竹植南邦富雨產我本東南人見畫豁雙眼兩年
塵土燕之陲此景那得移於斯先生指畫語奇事關中老
兵名畫師短衣縛袴走盤礴雄心健腕揮淋漓綠雲下垂
天雨泣百萬籜龍渾雨立急漲穿根爭道流疾風捲影遮
山入喧聲恍挾驚雷奔餘氣欲撲高堂溼從師昔游江之
干三年看盡江南山無山不竹晴固好看雨益復開心顏
沈思各已成往境指點忽落圖中閒吾家葯林亦工竹見

之卻立百回讀平生未嘗輕許人歸臥夢繞瀟湘曲我不
識畫賞以心爲引大白張清琴何時雨中竹裏數椽屋坐
我朗誦還山吟

贈楊荔裳卽寄酬分兄蓉裳

五載游君伯仲閒相逢笑我鬢先斑且傾燕市飄零酒坐
看邊牆紫翠山彥重珠光輝日下茂沿竹韻振江關思見
有句吟春草我欲相隨夢別顏

昨宵書札來江表苦爲離居弱季言只恐才名爭法護不
憂文筆遜平原冰天作客年方綺晏歲懷人日易翻早晚
薦書同北上斯人豈合久林園

故人憐我頓塵中溫語頻番慰寓公百鍊妖金空自奮飽

餐癡蟲有何功名心澹似幽州日骨相寒禁易水風拭眼
雙龍起騰躍未憂吾道竟終窮

元瑜筆札仲宣詩眾手傳觀絕妙辭萬事不如知已樂一
燈常記對牀時雨雲翻覆隨流輩裘馬輕肥讓市兒可奈
離心爭一寸每逢君弟輒相思

訪吳竹橋

敦泮季秋月文戰各云罷君時抱微疴我亦整游駕訪君
來琴川燈火官河夜人話竹間堂舟維水邊榭我師青門
邵於君屬姻婭丈行弟畜我愛我百從借十年願見心一
夕快傾瀉才大工軾軻養深得蘊藉促膝未竟談催發舵
工罵袖君一卷詩讀向疏篷罅骨必推風騷韻或壓陶謝

百家入環中騰躍卽變化生平詡柔翰矜心爲君下離緒
焚莫刪流光駛堪訝失計人海游郎當馱鈴卸君來已先
我拊掌笑相迓析津候

鸞輿金臺詢馬價作賦聲摩空斂氣若閒暇失勢副車中
惜此穿楊射君才且復爾賤子敢悲咤所恃惟毫錐作計

已居亞君心絕坦夷見慣了非乍差喜塵渴軀冰飲闕隆

夏朝吟椒花舫朱笥河先暮觴紫藤架金振之寓齋頗覺

師友懽歸鞍已忘跨誰知緒風起勢欲傾嵩華日色灰可

憐雪片大堪怕鬢怯酸霜侵車愁凍塵研酒價如山高囊

空艱一貫偶然眇交衢絡繹走鞍鞞徹侯罷朝宴丞相歸
宵假鞭影搖珊瑚衣香散蘭麝歲暮多饋遺包纏雜巾帕

感此游子心悽然返羈舍憶昨聞君言不如且歸稼款款
聯親朋依依話桑柘但得蓴絲羹何羨牛心炙苦語如晨
鐘三復味勝蔗閱世久益深君言豈余詐不投班生筆終
屈淮陰胯各負名山期何時了婚嫁

病中雜成

凍蠅僵壁飛無力雨鶴棲松翅倒垂病淺病深吾自驗酒
人疏到酒杯時

寒甚縱無衣可典貧來猶有飯堪加賤軀定不干天忌聞
看窗前霧松花

時木介
數日

王蘭泉先生齋頭出寒夜集觀鄜湛若天風吹夜

泉硯作歌

銘八分書曰下小行楷鐫鄜湛
若三字並小印

門鑰收魚漏停箭通政高齋夜張譙燭輝沈沈酒氣濃半
酣示客端溪研潤結雲腴細裊絲紫蒸玉暈光凝片有銘
有印了不疑明福洞主之所遺我公得此走萬里從征十
載軍中攜雷硯電熒奪不夫蠻烟惡溪沐浴之開滕發匣
起光怪傳觀四座羣嗟咨研乎酌汝樽中酒似汝遭逢信
希有昔伴西山義士家今歸東觀名儒手當時海雪稱畸
人棄家亡命走鬼門摩挲銅柱度藤峽經過桂管窺五屯
藍胡侯槃雄四姓花面蠻姬更驍勁天女天魔舞隊奇阿
夷阿等歌妝艷鄜生翩翩書記才陸離瑰詭相輝映是日
猺獠屢跳梁生入虎穴覘覆藏記成赤雅將有用研乎辛
苦曾同嘗一身終殉家國難片石空畱姓氏香何如我公

苦曾同嘗一良絲麻寒園鑿以不空留故凡香何賦此公
游童真過采主人氣穴與雲應信如未銀絲音用飛平辛
夷何華煇妖晴瀟土臘臘書信木對鑄與龍附戰知是日
蓋臨別樂華四披林面蠻取更魏怪天丈天窺異潤音回
人棄寒丁命去良門舉筆險林更魏刺絲毳掛音窺正由
帝百昔料西山壽士寒今龍東購各壽年當劫賊雲淋御
張光烈專騰四望羣聖容冠平酒或醉中醉以或戲豈計
薄軍中讎雷更雷更奪不夫變剛惡對水谷之開總發軍
首曰了不遠即詭師主之祖豈非公其也去萬里外五十
酒示容識對飛聞蘇雲卿咏鼻絲紫蒸王量光幾其首絲
門餘也魚誠言繪畫如高齋交與轉戰於此酒涼幾半

我欲傾千金持將獻公操一曲颯颯天風泉夜音

丙申除夕

關珊燈火鳳城隈自擁氈爐引凍醅銀筍怕翻商陸火消
殘心字不勝灰
一歲似風吹劍上百憂如影墮燈前車聲已有朝天客不
及嵇康好晏眠
痛飲呼盧病未能鮮衣炫服態堪憎今宵未免深閨夢一
閒輸它退院僧

